



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Verbo Dei Libri Tres

Helm, Heinrich

Coloniae, 1560

VD16 H 1736

Quid sit praedicandum? Sigillum primum & Cap. I.

urn:nbn:de:hbz:466:1-30114



DICTO in duobus superioribus libris de verbo Dei in se, nempe, quid & quotuplex sit, ordine recto alia quedam sunt discutienda, æquè digna scitu & necessaria ad salutem. Et ambagibus sinuosis parergisq; seclusis, ab ipsa causa mox auspicabor: Nihilofecius, obiter & imprimis notandum, qd Ioannes apostolus, in dextera dei vidit librum signatum sigillis septem. Vidit & angelum Dei fortem, prædicantem voce magna: Quis est dignus aperire librum, & soluere septem sigilla eius? Et nemo poterat, neq; in cælo, neq; in terra, neq; subtus terræ, aperire librum, neq; respicere illum. Et Ioannes multum huius rei gratia, asserit se fleuisse: quoniam nemo dignus inuentus est, aperire librum, nec videre eum aut intelligere. Sed vnus de senioribus dixit ad eum: Animæquior esto, ne fleueris, in proximo est, vt consoletis & tu, & omnes esurientes & sitientes iustitiam. Vicit ecce leo de tribu Iuda, agnus Dei, radix Dauid, fortissimum, & alligauit eum, ille habet clauem Dauid, & aperiet librum mysteriorum Dei, & soluet septem signacula eius. Apoc. 5. Igitur in libro isto tertio, septem quæstiones, quasi septem libri sacre scripturæ, maximè euangelij signacula proponam: & cum clauē Dauid respondendo ad eas, soluam & aperiam ad verbi Dei sincerum intellectum super omnia necessaria. Quorum primum erit:

Sigillum
primum.

Quid sit prædicandum? Sigillum primum & Cap. I.

Anc quæstionem magister summus diluit dicens:
Rom. 16. Prædicate euangeliū omni creaturæ: Et apud Mat-
thæum: Euntes docete omnes gentes seruare omnia, quæ-
Matt. 28. cunq; mandauī vobis: Et hoc iuxta verum & germanum
scripturæ intellectum: Non verba solummodo scripturæ.

fed & intellectum quem in eis intendit spiritus sanctus, populo proponendo. Hinc diuus Petrus, ait: Si quis loquitur, quali sermones dei. Et iterum: Omnis scriba doctus ad sobrietatem, in ecclesia (quæ est regnum cælorum) similis est homini patrifamiliâs, qui de bono cordis sui thesauro profert noua & vetera, dū ad iustitiam populū erudit: hoc est, noui & veteris testamenti testimonia. Hic tamen, (quod magistri mendaces garriunt sed mendacissimè) adsertor noster, non abiicit sanctorum doctorū lucubrationes, nec damnat, nec quæstiones. Nam & scripta doctorum vera, vbi idem sentiunt omnes, scripta sacra sunt placita deo, & imprimis necessaria ad scripturæ sacre verū intellectum. Sed iniquorum damnat fabulationes, quæ non sunt, vt lex dei, vera, sed falsitas ipsa & imposturæ veri dei, & deprauationes, adulterationes siue cauponationes.

1. Pet. 4.

Matt. 13.

Dani. 12.

Psal. 118.

2. Cor. 2.

2. Pet. 3.

Sacra scriptura est hæreticorum liber & fundamentum. Caput II.

Sed obijcis: Hæreticorum scripta sunt vt lex dei, imò ipsum verbum dei, quod docent, inculcant, tractant & exponunt. Responsio: Lutherus dicit in suo præceptorio, & super vigesimum octauum capitulum libri Genesis, quod sacra scriptura fundamentum est & liber Hæreticorum, et quod ex ea omnes Hæretici suos probauerunt errores. Vide & sermonem secundum dominicæ octauæ post Pentecost. Dicimus ergo, Hæreticos habere gladium spiritus sancti quod est verbum dei, sicut habent Catholici, & sæpius plures scripturas quàm hi, sed non eadem intentione & modo tractant scripturâ. Sancti scripturas, tractant & docent ad auditorum salutem: Hæretici ad eorum perditionem. Sicut exempli gratia: Catholici principes & castra dei, arma habent ad fidei, pietatis & ecclesiæ propugnatio-

A

Eph. 6.

T

gnatio-